



Pou Piblikasyon Imedya: 24/10/2022

GOUVÈNÈ KATHY HOCHUL

GOUVÈNÈ HOCHUL ANONSE 30 MILYON DOLA PWOGGRAM REZIDANS PWOFESÈ EMPIRE ETA A POU OGMANTE SIPÒ AK RETENTION PWOFESÈ

Finansman pou sibvansyone pwogram metriz pou kandida pwofesè k-12 nan nivo sik sipryè yo

Gade demann aplikasyon Depatman Travay Eta New York la [isit la](#)

Gouvènè Kathy Hochul te anonse jodi a lansman Pwogram Rezidans Pwofesè Empire State la atravè Depatman Travay Eta New York la. Pwogram sa a pral bay finansman korespondans pou distri lekòl publik lokal yo ak/oswa Komisyon Konsèy Sèvis Edikasyon Koperatif yo pou kreye opòtinite rezidans dezan pou kandida pwofesè k-12 nan nivo sik sipryè yo. Pwogram nan pral bay 30 milyon dola nan finansman pou sibvansyone diplòm metriz oswa pwogram sètifikasyon ansèyman pou kandida pwogram rezidans ki kalifye yo. Pwogram nan pral priyorize divèsite pam kandida yo ak menntò patenarya yo, ak yon konsantrasyon patikilye sou sijè ki bezwen eleve yo ak lye jewografik yo k ap fè fas ak mank yo. Sa a pral bay sipò pou alafwa kominote ki nan bezwen yo ak pwofesè ki soti nan divès orijin.

"Ak yon gwo responsablite pou enspire ak fòme lespri pi jèn jenerasyon yo, pwofesè New York yo merite pou yo prepare yo pou yo reyisi", **Gouvènè Hochul te deklare.** "Envestisman sa a pral asire nouvo pwofesè yo gen konseù ak sipò pou yo adapte yo ak yon domèn ki difisil e ki toujou ap chanje. Nouyòkè yo merite pi bon edikasyon, epi pwofesè nou yo esansyèl pou bay sa a."

Pwogram rezidans pwofesè yo, kote pwofesè ki nan fòmasyon yo resevwa yon konseye ak eksperyans ansèyman reyèl anba sipèvizon konseye a, yo te pwouve ke yo ogmante dramatikman pou santaj retansyon pwofesè yo epi amelyore eksperyans edikatè yo nan premye ane ansèyman ki pi difisil yo. Pwogram sa yo elaji aksè ak kominote ki gen gwo bezwen yo ki souvan fè fas ak baryè lè yo diminye depans yo epi ankouraje pwofesè yo pou yo travay nan lye jewografik yo k ap fè fas ak mank yo. Sa mennen nan plis siksè elèv yo akòz retansyon pwofesè ak resous ki pi wo.

Pwogram finanse yo ta enplike Inivèsite Eta New York State (University of New York, SUNY), Inivèsite Vil New York (City University of New York, CUNY), ak/oswa kolèj prive ki fè patenarya ak distri lekòl publik yo ak/oswa BOCES pou bay ekolaj redui oswa gratis

pou kandida ansèyman, tankou liv ak frè, salè ak avantaj sosyal pou rezidan, ak alokasyon pou kouvri depans pou viv yo. Bousdetid sa yo pèmèt pwofesè aspiran yo jwenn aksè pi fasil ak domèn lan, epi pèmèt Pwogram Rezidans Pwofesè Empire State la vin yon chemen kreyatif nan ansèyman pou pwofesè ki soti nan divès orijin.

Komisè Depatman Travay Eta New York la, Roberta Reardon, te deklare, "Pwofesè yo esansyèl pou kominate nou yo, epi nou bezwen yo kounye a plis ke avan. Nou dwe sipòte ak bay otonomize nouvo pwofesè yo nan karyè pa yo, sitou lè nou tout n ap adapte ak yon nouvo epòk edikasyon. Mwen remèsyé Gouvènè Hochul paske li kontinye fè envestisman estratejik pou ede atire epi kenbe pwofesyonèl vital sa yo."

Chanselye Pwovizwa SUNY an, Deborah F. Stanley, te deklare, "SUNY te jwe yon wòl kle depi lontan nan prepare pwofesè yo pou edike pwochen jenerasyon lidè yo nan salklas yo nan tout eta a. Nou bezwen pwofesè ki trè kalifye, pasyone, ak devwe kounye a plis pase avan, paske pandemi an te afekte elèv yo alafwa akademikman ak emosyonèlman. Pandan pwofesyon ansèyman an ap evolye, kolèj ak inivèsite nou yo te elají pwogram yo ak ogmante sipò pou asire siksè gradye yo. Ane pase a sèlman, anviwon 7,500 etidyan SUNY te resevwa sètifica pwofesè. Yo bezwen plis, epi ki soti nan tout orijin, jan nou konnen elèv ki gen pwofesè ki sanble ak yo epi ki pataje eksperyans lavi yo bay pi bon rezulta. Nou bat bravo pou Gouvènè Hochul pou angajman li nan edikasyon e nou fyè de kontribisyón SUNY nan nouvo pwogram rezidans lan."

Rektè CUNY an, Félix V. Matos Rodríguez te deklare, "CUNY prepare yon tyè nan nouvo pwofesè lekòl piblik Vil New York yo chak ane, plis pase nenpòt lòt inivèsite, epi nouvo pwogram sa a pral ede aspiran pwofesè sa yo jwenn sipò yo bezwen pou yo vin pwofesè elèv yo nan vil nou an merite. Ansèyman se youn nan travay ki pi difisil ak pi enpòtan nan nenpòt sosyete e mwen rekonesan anvè Gouvènè Hochul pou angajman kontinyèl li pou ede edikatè nou yo nan tout nivo."

Pezidan Pwofesè Reyini Eta New York la (New York State United Teachers), Andy Pallota te deklare, "Bay pwofesè aspiran yo yon opòtinite apwofondi pou yo aprann travay la nan men bon jan kalite pwofesè konseye epi devlope koneksyon ak etidyan yo se kle pou mete edikatè alavni yo sou wout siksè. Pandan n ap travay pou atire plis moun nan pwofesyon nou an, pwogram sa a montre ke New York devwe pou ranvèse mank pèsonèl, ede divèsifye mendèv edikasyon an epi bay anplwaye yo zouti yo pral bezwen pou anseye ak konseye pwòp elèv pa yo. Nou remèsyé Gouvènè Hochul pou angajman li anvè edikasyon piblik ak moun ki devwe pou ede elèv nou yo reyisi."

Prezidan Komisyon Kolèj ak Inivèsite Endepandan (Commission on Independent Colleges and Universities) yo, Lola Brabham, te deklare, "Nan non kolèj ak inivèsite manm CICU yo, mwen remèsyé Gouvènè Hochul pou travay konsistan li nan ranfòse pakou pou nouvo pwofesè yo. Envestisman sa a pral divèsifye ak ogmante mendèv pwofesè nou yo. Kanpis manm CICU yo atravè New York gradye 58% nan lisans ak etidyan gradye ki vin edikatè. Nou kontan pou nou fè pati solisyon sa a epi kanpis nou yo espere fè patenarya ak Eta a pou fè pwogram sa a vin yon siksè."

Pwogram Rezidans Pwofesè Empire State sa a bati sou inisyativ edikasyon solid ak divèsifye Gouvènè Hochul ki li te anonse pandan [Diskou sou Sitiyasyon Eta 2022](#)) li a pou adrese mank pwofesè yo epi rann lekòl pi aksesib pou tout Nouyòkè yo. Li te respekte pwomès sa yo pandan anons Bidjè 2023 li a kote li te envesti [31.5 milya dola](#) san parèy nan edikasyon, ki se pi wo nivo èd Eta ki te janm genyen. Bidjè a non sèlman te kreye pwogram rezidans pwofesè eta a, men li gen ladan tou inisyativ pou amelyore konpetans kèk nan 100,000 parapwofesyonèl ak asistan ansèyman aktyèl yo nan lekòl Eta New York yo.

Envestisman sa a te gen ladan tou 1.1 milya dola pou klas prematènèl ki gen kalite siperyè, sa ki ta pèmèt apeprè 17,500 elèv adisyonèl jwenn aksè ak klas matènèl pandan tout jounen atravè Eta a ak yon total de 100 milyon fon kontrepatti sou de zan ke yo dwe bay distri lekòl yo ak BOCES ki gen pi gwo bezwen pou adrese byennèt elèv yo ak pèt aprantisaj an repons a chòk pandemi COVID-19 la te lakòz.

Pou jwenn plis enfòmasyon sou pwogram nan oswa pou wè si distri lekòl piblik ou a oswa BOCES elijib pou aplike, vizite <https://dol.ny.gov/funding-opportunities-0>.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418